



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavke

Anr.442/2021

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Ferki Xhaferi kryesues, Adnan Konushevcu dhe Faton Ademi anëtarë, me pjesëmarrjen e zyrtares së lartë ligjore Antigona Murati, duke vendosur përkitazi me ankesën e Laura Nela, Prishtinë, paraqitur kundër Komisionit Qendror të Zgjedhjeve (KQZ), me seli në Prishtinë, me objekt të çështjes, ndërimi i vend votimit në ditën e votimit për Zgjedhjet e Parakohshme për Kuvendin e Republikës së Kosovës, që do të mbahen me datë 14.02.2021, në seancën e panelit, të mbajtur me datë 15.02.2021, mori këtë:

### V E N D I M

**Hudhet i pasafatshëm apeli** i identifikuar me numër A.nr 442/2021 e datës 14.02.2021, e paraqitur nga Laura Nela, Prishtinë, paraqitur kundër Komisionit Qendror të Zgjedhjeve (KQZ), me seli me seli në Prishtinë.

### A r s y e t i m

Me datë 14.02.2021, Laura Nela me vendbanim në Prishtinë, ka paraqitur ankesë në PZAP, me të cilën deklaron se si qytetare e Prishtinës me të drejtë vote dhe me të drejtë njerëzore më është ndërruar qendra e votimit në të cilën votoj që nga dita kur më është përcaktuar në vitin 1999, dhe ky ndërrim është bërë pa asnjë kërkesë nga ana e saj dhe pa e pyetur fare.

Paneli pas vlerësimit paraprak të afatshmërisë së apelit, gjeti se:

#### **Apeli është i pasafatshëm**

Paneli, pas shqyrtimit paraprak të apelit, ka gjetur se apeli i parashtruar nga Laura Nela kundër vendimit të KQZ-së, Nr.421/2021 i datës 02.02.2021, është parashtruar pas afatit ligjor të përcaktuar me dispozitën 122 par.1 pika a) të LZP-së, ku përcaktohet: *“Personi fizik ose juridik, të drejtat ligjore të cilit janë prekur nga cilat do vendime të KQZ-së, mund të apelojë atë vendim në PZAP, brenda (24) orëve”*. Në këtë kuptim nga shqyrtimi i shkresave të lendes rezultojnë se certifikimi i listës përfundimtare të votuesve është bere me datën 02 Shkurt 2021, ndërsa parashtruesi i apelit ka apeluar vendimin e KQZ-së, me datën 10 Shkurt 2021, qe do të thotë se Vendimi i KQZ-së për Certifikimin e Listës së Votuesve, Nr. 421 është publikuar me datën 02.02.2021, ndërsa afati për ankesa ka qenë 24 (njëzetekatër) orë nga marrja e vendimit, në këtë rast apeli është parashtruar me date 14.02.2021, çka do të thotë

se apeli është parashtruar pas afatit të përcaktuar në dispozitën ligjore të nenit 122 par.1 të LZP-së.

Nga arsyet e theksuara më lartë e në kuptim të nenit 115 par.1, dhe 118 par.4 të LZP-së, paneli vendosi si në dispozitiv të këtij vendimi.

**Paneli Zgjedhor për Ankesa dhe Parashtresa**

A.nr. 442/2021 me datë 15.02.2021

**Kryesues i Panelit  
Ferki Xhaferi**

***Këshillë Juridike:*** Kundër këtij vendimi është e lejuar ankesa sipas nenit 118 par.4 të LZP-së, në Gjykatën Supreme të Kosovës, brenda njëzetekatër (24) orëve nga momenti i marrjes-pranimit të këtij vendimi.

